

Aquitania.

*Regio unde dicta
Situs.*

*Vasconia.
Situs.*

*Soli fertilitas.
Urbes.*

*Arvernia.
Situs.*

Urbes & Opida.

*Inculisemensis.
Ager.*

*Situs.
Soli fertilitas.
Urbs & Opida.*

*Turonia.
Situs.*

GALLIAM Aquitanicam, cuius pars Australior hac Tabula delineatur, nonnulli dictā volūt ab Aquibus quibus abundare fertur alii ab opido, *Aquis, Aqs*, derivant. Hæc a Pyrenæis Montibus ad Ligerimū que juxta Ptolemæum extenditur. Nunc autem, teste Ortelio, a Garumna ad Oceanum & Pyrenæos Montes. A Circio vero Septentrionali vento Occidentem versus Oceanum habet, qui Aquitanicus Sinus dicitur, ab Occasu Hispaniam, a Septentrione Lugdunensem Provinciam, a Meridie Narbonensem. In ea Mercator quinque Ducatus, xx Comitatus, & vi Dominia enumerat. Ducatus sunt *Vasconia*, sive *Guenna*, *Arvernia*, *Inculisemensis ager*, *Biturigum regio*, *Turonia*. *Vasconia* sive *Guenna* ad Oceanum sita inter *Bitionam* & *Burdigalam*, agrum habet Vini fertilem, quod inde in Europam reliquam devehitur. Urbs in ea primaria *Burdigala*, reliquæ enim *Nerac*, *Condom*, *Mirande*, *Nogerat*, *Orthes*, *Bazes*, *Dax*, haud magni momenti sunt. *Dax* tamen fontibus calidis, Salinis, & Metallis ferreis nobilitatur. *Burdigala*; Ptolemæo, veterum *Biturigum*. *Vibiscorum* urbs est, sita in paludibus quas exundans Garumma efficit: ornata tum Parlamento, tum Academia, in qua omnium artium & scientiarum Professores juventutem instituunt. *Arvernia*, *Le Pais & Dache d'Anvergne* sequitur. Situs illi in locis partim planis, partim montosis. Vicinos habent Arverni ad Orientem Forenses & Lugdunenses: ad Meridiem Languedokios: ad Occidentem, Cadurces, Petrocorios & Lemovices: Septentrionem versus, Bituricenses & Borbonios. *Arvernia* duplex est *Superior* & *Inferior*. *Superior*, *Le hault pais d'Anvergne*, quæ & *Arvernia* per excellentiam, Primariam habet Urbem *Fanum*, *S. Flori*, *S. Flour*, in edita rupe sitam. Reliqua Opida vulgo dicuntur *Orillic*, *Carlatum*, *Muratum*, *Buillons*, *Le Puy* &c. Territorium quoque & Baillivatus *Beaucaire*. *Inferior* opima est & fertilissima: Vinis præstantissimis, Frugibus, Melle, Croco, Pecudibus, Lana, Pascuis, Nemoribus supra modum referta. Metropolis illi *Claromontium*, *Clermont* vulgo, Arce superbit, & Episcopalis est Sedes. Reliquæ urbes seu opida sunt xiii, ex quibus *Rion*, *Monfermeil*, *Jsoire* cæteris præstant. *Inculisemensis ager*, vulgo *Engoulesme* ad Septentrionem Pictionibus est conterminus: ad Occasum Santonibus: ad Meridiem Burdigalensibus & Petrocoriis, ad Orientem denique Lemovicibus. Fertilis Vini optimi, Frugum, Cannabis. Metropolis ejus, *Inculisma*, hodie *Engoulesme*: Urbs antiquitate insignis. Sita est in Colle qui Flumini, Carantono imminet, Agro devio & ab Regiis viis remotiore. Minorum gentium Opida sunt, quæ vulgo: *Marthon*, *Chasteau Neuf*, *Blaisac*, *Chabannes*, *Confollant*, *Ruffec*, *Aigres*, *Gourville*, *la Roche Foucault*, *Marveil*, *Lanzac*, *Villebois*, *Momberon* & *Bouteville*. De *Biturigum* regione in propria quam obtinet Tabula dicemus. *Turonia* vulgo *Touraine* incipit tripus supra Ambaciensem urbem miliaribus, versus *Blas*: terminatur in Vicis, qui vulgo *La Chapelle Blanche*, in Spiritualibus agnoscens Episcopum Andegavensem & *Choufai*. Hi enim limites statuunt inter Turonenses & Andegavenses. Incredibilem Regionis amœnitatem